

# Bone Ficcat Laaci



*Ko miijo Haadii Maaliki Sih K.K.K.J.K. Nande 16,17 Juuldaandu, ine hawri e 24/11/2003 c.j. lisaa y.k.w. e makko.(72) do e Bamako, Laamorgo dowla (Mali)*

***Ine wada yoga e gure, e galleeji.***

***Ine ndenndina won e daabaaji di njiydaa marngooji.***


***Meedi wadde sahaa wadi saanga e yontaaji.***


***Puucu ndimaangu kañum e ngaari cowoori.***

***Wondude e rawaandu, njawdi kam e ngori fanna geeji.***

***Di mbadada e galle gooto e weleede joom majji.***

***Ñande wootere di njiyi, mbatije ine kaba dow tataaji.***





*Rawaandu wi puccu ndimaangu tay'dii ngadaaji.*

*“ Ceerndoyaa beyo haboobe; Bone dee ficcat laaci. ”*

*Puucu moornii fetti ndu, ndu saamoyi e tataaji.*


*Ndu immi ndu darii ndu ñibi cegeneejji.*


*Ndu fidɗii ndu hucci to ngaari cowoori.*

*Ndu yettii ndu wi ngaari, seerndoy, « Bone ficcat laaci.»*

*Ngaari wiy, "So a immanaaki, mi doon mi waagete tekteki."*

*Rawaandu heboy too soppinii, ine sakki laaci.*





*Booyaani kadi ndu hucci to njawdi ne'eeri.*

*Ndu wiy, "Aan ne, ko mbiyaa e dīi mbatiiji?"*

*Ndi wiy ndu, « Anndi ko a naafige cenzaado cegeneeeji. »*

*« Holi miin holi seerndoyde dīi dōo mbatiiji? »*

*Ndu hersi ndu turii hoore aandu ŋaacca leydi.*

*Nde ndu turtii, ndu wiy miin mi seerataa e wasiyaaaji.*


***Ndu yaabani ngori ndu yettii ndu dicci koppi.***

***Ndu wiy ngori, « Ko aan tan heddi seerdoy dīya mbatiiji. »***

***Ngori wiy ndu, “Aandi aan ko a mujji coofoowo cobboyfi.”***

***« Holi ko duñ maa e waajuuji; ko a ñaamoowo jiibaaji. »***

***Rawaandu deyyi, deeyi jokki e haajuuji.***



*Ndeke noon ko goonga, BONE FICCAT LAACI.*

*Mbatiji ndewi habde haa ngiwi dow tataaji.*

*Di naati doon e suudu wootooru huɗo e baaji.*

*Di tawi toon debbo mawɗo kortiɗo e les fabiyonaaaji.*

*Oon sahaa ko dabbunde; yimbe ne kuɓɓa nder cuudi.*

*Kadi oon mawɗo ko mottatnoodo falla e gaaraaji.*

*Mbatiji ndewi habde haa cari toon jeynge e jiggaji.*



*Jiggaji kuɓɓi haa nanngi huɗo e baaji.*

*Mawɗo ronki yaltude wontani dum ko dojjooji.*

*Nde yimbe ngarata tawi mawɗo huɓɓii haa hoonii.*

*Hanti alaa ko heddii so wanaa asgol gabriiji.*

*Kono hade ndeen ngulloyo den gure saraaji.*

*Daraaki be ngitti puccu nguu e ngadaaji.*

*Be ngulloyii gure takkiide be e kala banngeeji.*

*Ndeen be ngarti wulloyaade be kabbiti nukkureeji.*


*Tan puccu filti saami yanti e jiibaaji.*

*Be ndaasi ngu, be mbeddoyii ngu gada wurooji.*

*Rawaandu dogi arde ine willa laaci.*

*Haa jiimi e puccu, wiy, « Bone ficci laaci. »*

*Mawdo lootaa hasnaa wirnoyaa e aadaaji.*






***Nde be ngarti be tawi hobbe ngiwii e kala saraaji.***

***Ko yaawi leelaani ngaari habbaa haa biici.***

***Hirsaa soppaa feccaa e barmeeji.***

***Bottaaje ndefaa yimbe ñaami mbañi duwawuuji.***




***Rawaandu wiy ngaari, “(Bone) ficci laaci.”***

*Jaŋngo e mum wodɓe ngari, been ko koreeji.*

*Be nanngi njawdi, be kirsi, be mbadi saadaaji.*

*Jaleede lamtii e oon galle ñande mun boyji.*


*Rawaandu sewni njawdi wiy, “(Bone) ficcii laaci.”*



*Ñalngu arti banndum ngori, nanngaa seerndaa e borooji.*

*Yantude e jawdī goddī, maa mbiyen dammuccii.*

*Fof kirsaa, ñande mun ko silkiiji.*



*Rawaandu ari wiy ngori, « Bone ficci laaci. »*

*Ko goonga kay jaka, “Bone ficcat laaci.”*

*Yeewee ndii ngariiri, e dīi dōo daabaaji.*

*Di kabinooma rawaandu e dīi wasiyaaaji.*

*Kono dī ngontanii yimbe hoore haajuuji.*

*Dum dōo dee ko tinndol hakkilanteebe ndurnee mījooji.*

***So en yéewtindiima hannde dīi dōo hareeji.***

***Leñam leñamaagu mbonngu e nguutuujj.***

***Gondī hakkunde hoddube gese, keedi galleeji.***


***Di ngaddii jinndere dī naatnii sariyaaaji.***

***Faadeende wadani en e billaare ladeeji.***

***Mi siftii ndokkee kam wuro, mi firtana on e sifaaji.***

***Ko Fulbe mbađi alaa ko Sebbe mbađi, dum fof dee, ko  
ayibaaaji.***

***Kawren tan ko Alla hoddini en, en ngalaa hen sagooji.***



***Fedde Janngoobe Linjilla***  
***B.P. 2210***  
***Bamako, Mali***